



Rástofdepartementet

mlsa@nanoq.gl

Nuuk, 6. Juni 2016

Inuit Issittormiut Siunnersuisoqatigiiffiannit (ICC) uunga tusarniaanermut oqaaseqaat:

Tunup avannaarsuani imartami, misissueqqaarnissamut akuersissummut 2014/13-imut ilaasumi 2D atorlugu sajuppillatsitsisarluuni paasissutissanik katersuinissamut avatangiisinik naliliinerup (VVM) tamanut ammasumik tusarniaassutigineqarnera

Oqaaseqaatit tamanut tunngasut:

Siusinnerusukkut ICC-miit oqaaseqaatigisartakkani tikkuartorneqartartut nangillugit erseqqissaqqissavarput isumaqaratta tusarniaanerni taamaattuni soqutigisaqartut susassaqtullu isummersornerat ilumoortumik tusarusukkaanni, taava tusarniutigineqartut tamanit paasineqarsinnaangorlugit saqqummiunneqartariaqartut aammalu tusarniaanermi akissuteqarnissamut piffissarititaasoq sivisunerusariaqartuq periarfissarititaasullu ajornanginnerusariaqartut.

Assersuutigalugu tusarniaanermi uani (allanilu) paasissutissanik pingaarutilinnik misissueqqaarsusukkaanni taava internetikkut taakkuninnga ujarlertoqarsinnaavoq, tuluillu oqaasiinik ilisimaqarluaanni paasissutissat taakku atuarneqarsinnaassaallutik. Taamatut periuseqarneq innuttaasunik akuutitsiniarluni siunertamut naapertuutinningsutut oqaatigineqartariaqarput.

Tusarniaassutigineqartumut tunngasut

Matumani imartaq misissuiffigineqaaqqittussaq eqqarsaatigalugu siusinnerusukkulli paasineqareerpoq ilaatigut immap sikusarnera pissutigalugu pilersaarutit tamakkiisumik naammassineqarsinnaasarsimangitsut. Tamanna aamma tusarniutigineqartuni erseqqissarneqarpoq; tassalu imartami pineqartumi naatsorsuutigineqartuq piffissami misissuiffissatut pilersaarutigineqartumi immap sikunerata pilersaarutit naammassinissaat ajornakusoortilissagaa. Tassalu septemberiunarani immap sikuartulernissaa naatsorsuutigineqartuq, misissuinissamulli piffissaritinneqartussatut qinnutigineqartuq aatsaat oktoberip 31-annut killeqartussaalluni. Tamanna ilisimariikkanut naapertuutinnigilaq. Imaani sajuppillatsitsilluni misissuisarnernit allanit ilisimaneeqalereersimasut naapertorlugit, imaani sajuppillatsitsilluni misissuinerit ilimagineqarsimagaluartumiit annertunerusumik uumasunut sunnuteqartartut massakkut ilisimaneeqarpoq. Imartaq misissuiffigineqaaqqittussatut siunnerfigineqartuq tassaavoq Tunup avannaani imaani uumassusillit pinngorarfiit annersaat. Ilaatigut Namminersorlutik Oqartussat namminneq nalunaarusiaat naapertorlugit immami miluumasut amerlasuut imartaq pineqartuq neriniarfialugulu najugarisarpaat, ilaasa ukiup ilaani allallu ukioq kaajallallugu. Naatsumik oqaatigalugu imartaq sajuppillatsitsilluni misissuiffigineqartussatut pilersaarutigineqartuq Nunatta kangiata avannaani imaani uumasoaqassutsimut pingaaruteqarlunnarpoq.

Tamakku ilaatigut tunngavigalugit ICC-mit inassutigissavarput:

- Tunup Avannaata imartaani sajuppillatsitsilluni misissuinerit unitsinneqarallassasut,
- Imartani allani taamatut misissuisarninni paasisat misissoqqissarneqassasut,
- Paasisat (uumassusilinnut sunniuttat) tamanut saqqummiunneqassasut,
- Misissuinerit unitsinneqarallarsinnaangippata, taava minnerpaamik piffissaq misissuiffiusoq immap sikuunnginneranut killilerneqassasoq,



- Piniartut ilisimasaat ilisimalersimasaallu sukumiisumik katersorneqassasut aalajangerniarnermilu ilanngunneqassasut,
- Tusarniaanerit piffissami sivilisunerusumi ingerlanneqassasut.

ICC-mit neriuppugut isummat naliliinerillu saqqummiunneqartut aalajangiiniarnermi eqqarsaatigineqassasut.

Ikinngutinnersumik

Hjalmar Dahl
Sulittaasoq, ICC Kalaallit Nunaat